

Հայաստանի Հանրապետության օրենսդրության պահանջների պահպանման նկատմամբ վերահսկողության իրականացումը, ինչպես նաև իրականացված վերահսկողության շրջանակներում կանխարգելիչ միջոցառումների կազմակերպման ընթացքում Տեսչական մարմինը գործունեության սկզբի օրվանից ձեռնամուխ է եղել տնտեսվարողների վիճակագրական տվյալների հավաքման, դրանց վերլուծման, ոլորտում գործող տնտեսավարող սուբյեկտների ռիսկերի գնահատման աշխատանքների իրականացմանը, ինչպես նաև վերահսկողական գործառույթների նախարարատնօրոնում ռեալ առավել ռիսկային ոլորտներն: Այսպիսով խիստ կարևորելով Տեսչական

մարմինների էլեկտրոնային տեղեկատվական համակարգի ստեղծումը և օգտագործումը՝ տեսչական մարմինների գործունեության սկզբունքների աներկբա և ամբողջական իրականացումը, Տեսչական մարմինը վերոգրյալ գործառույթների իրականացման նպատակով օգտվել է մի շարք ռեսուրսներից՝ հավաքագրել է իր վերահսկողության ոլորտներում գործունեություն իրականացնող տնտեսավարող սուբյեկտների վերաբերյալ տեղեկատվություն՝ Excel ձևաչափով:

Տեսչական մարմնի աշխատակիցները 2017 թվականին (ստեղծման պահից) մշակել են Հայաստանի Հանրապետության բնապահպանության և ընդերքի տեսչական մարմնի կողմից ռիսկի վրա հիմնված ստուգումների մեթոդաբանությունը և ռիսկայնությունը որոշող չափանիշների ընդհանուր նկարագիրը, ինչպես նաև Հայաստանի Հանրապետության կառավարության որոշման նախագիծը և հետագա ընթացքն ապահովելու նպատակով, ներկայացրել կառավարության հաստատմանը:

XIV-րդ մասի 1-ին կետի վերաբերյալ.

Հաշվեքննող խմբի կողմից մատնանշված իրավանորմի խախտումը խեղաթյուրված է և անհասկանալի:

Հարգանքով՝


Տեսչական մարմնի ղեկավարի
պարտականությունները
ժամանակավորապես կատարող



Ի. Սարգսյան

Կապարող՝ Ռիսկի գնահատման և վերլուծությունների վարչություն
011 818 590

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԲՆԱԴԱՀՊԱՆՈՒԹՅԱՆ ԵՎ ԸՆԴԵՐՔԻ
ՏԵՍՉԱԿԱՆ ՄԱՐՄԻՆ
Ղ Ե Կ Ա Վ Ա Ր



ИНСПЕКЦИОННЫЙ ОРГАН
ОХРАНЫ ПРИРОДЫ И НЕДР
РЕСПУБЛИКИ АРМЕНИЯ
РУКОВОДИТЕЛЬ
THE ENVIRONMENTAL PROTECTION AND
MINING INSPECTION BODY
OF THE REPUBLIC OF ARMENIA
H E A D

№ 11.1/15.1/100-19

« 16 » հունվար 2019թ.

Հաշվեքննիչ պալատի անդամ
Գ. Ոսկանյանին

Հարգելի պարոն Ոսկանյան

Ի պատասխան Ձեր 2019թ.-ի հունվարի 8-ի N ՀՊԵ-ԳՈ-03 գրության՝
Բնապահպանության և ընդերքի տեսչական մարմինը (այսուհետ նաև՝ տեսչական մարմին)
ներկայացնում է հետևյալ առարկությունները.

Հաշվեքննիչ պալատը 2017թ.-ի հունվարի 1-ից մինչև 2018թ.-ի սեպտեմբերի 30-ն
ընկած ժամանակահատվածի համար արձանագրել է, որ տեսչական մարմինը 2017թ.-ի
սեպտեմբերի 20-ից պետք է ունենար ներքին աուդիտի համակարգ, որը մինչ օրս առկա չէ:
Վերոնշյալ պնդումը հիմնավոր չէ հետևյալ պատճառաբանությամբ.

Նախևառաջ անհրաժեշտ է արձանագրել, որ տեսչական մարմնի իրավանախորդ
Հայաստանի Հանրապետության բնապահպանության նախարարության
բնապահպանության և ընդերքի տեսչական մարմինը ստեղծվել է ՀՀ կառավարության 2017թ.
ապրիլի 27-ի N 445-Ն որոշման (այսուհետ՝ Որոշում) 1-ին կետի համաձայն: Որոշումն ուժի մեջ
է մտել պաշտոնական հրապարակման օրվան հաջորդող տասներորդ օրը՝ 2017թ.-ի մայիսի
20-ին, այսինքն՝ 2017թ. հունվարի 1-ից մինչև 2017թ.-ի մայիսի 20-ը ընկած
ժամանակահատվածում Հայաստանի Հանրապետության բնապահպանության
նախարարության բնապահպանության և ընդերքի տեսչական մարմինը գոյություն չի ունեցել
և չէր կարող ունենալ ներքին աուդիտի համակարգ:

Որոշման թիվ 1 հավելվածի 1-ին կետի համաձայն՝ Հայաստանի Հանրապետության
բնապահպանության նախարարության բնապահպանության և ընդերքի տեսչական մարմինը
հանդիսացել է Հայաստանի Հանրապետության բնապահպանության նախարարության
համակարգում գործող առանձնացված ստորաբաժանում:

«Ներքին աուդիտի մասին» ՀՀ օրենքի 2-րդ հոդվածի համաձայն՝ պետական մարմնի
առանձնացված ստորաբաժանումը չի հանդիսանում հանրային հատվածի
կազմակերպություն, ուստի չպետք է ունենա ներքին աուդիտի համակարգ:

